

# САМУРДИН

## СЕЕ

«Магарамдхурьун район» МР-дин  
общественно-политический газет.  
Общественно-политическая газета  
МР «Магарамкентский район».

**ГОЛОС САМУРА**

Газет 1951- йисалай акъатзава. № 29 (8237) киш, 6- июль, 2024- йис. Къимет 6 манат

МЯРЕКАТ терактдин не-тижада телеф хъайибур, са декъикада кисна акъвазна, рикел хкунилай башламиш хъана. Вичин рахунрин эвел къилляй республикадин Къили къейдна хьи, терактар авунин фикир, са шакни алачиз, инсанрик кичевални дакланвал кутун, адетдин Ислам къацлуруналди, регионда гъалар къайдадикай хкудун я.

Адан фикирдалди, 23-июндиз хъайи терактар Дагъустанда дуствилелди, стхавилелди яшамиш жезвай гъар жуьредин динрин ва халкъарин векилрин арада къал тваз клан хъун патал авунвай гъерекатар тир. Сергей Меликова рикел хкайвал, дагъустанвияр сад-садавай чара авун патал ийизвай алахъунар садрани чпин мураддив агакънач.

*И ЙИКЪАРА Махачкалада «Россия-зи тарих» тарихдин паркуна Дагъустандин Къил Сергей Меликов республикадин общественостдихъ галаз гуьруьшмиш хъана. Мярекат 23-июндиз чи республикада хъайи мусибатдин вакъийриз талукъ тир къимет гунихъ ва регионда терроризмдинни экстремизмдин вилик пад къун патал къабулдай серенжемар гъазурунихъ галаз алакъалу тир.*



## ЧУН МУКЪАЯТ ХЪАНА КІАНДА

«Чун мукъаят хъана кланда, вучиз лагъайтла, гъар са камуна чинебан члуруният авайбур, хаинар гъалтзава. Тапан диндин лозунгрик чуьнуьх хъуналди, душманар гъихътин фикиррин гуьгъуьна аватла чир хъун герек я. Виликдай террори-

ствилини гъерекатар асул гъисабдай бандитвиллиз ухшар тиртла, гила динрин арада авай развиллин гъалар пайгардикай хкудзава. Исламдихъ ва маса динрихъ галаз терроризмдинни экстремизмдин гъич са алакъани авайди туш. Им футфа тун, гъалда-

рун я», - малумарна Сергей Меликова.

Ада терроризмдиз акси серенжемрив жавабдарвилелди эгечлуниз эвер гана. Региондин Къилин гафаралди, ихътин вакъийрив вуч клантлани хъурай лагъана эгечлна виже къведач.

## ЧУН МУКЪАЯТ ХЪАНА КІАНДА



2 ←

И мярекатдин нетижада гъкъикъи веревирдер хъана кІанда. Алава хъувурвал, теракт хъайи юкъуз телеф хъайи полициядин къуллугъчияр дяведин махсус серенжемдин игитрихъ галаз са жергеда хъун лазим я.


Сергей Меликован фикирдалди, алай девирда халкъарин арада къалтун патал алахъунарзавайбуру геъеншдиз ишле-

мишзавай такъатрикай сад интернет я. Интернетдин, соцсетрин мумкинвилерикай менфят къачуналди, экстремистри къал-макъал твазва, тахсиркарвилер ийизва. Соцсетрин бязи кІватІалар къецепатан кураторри идара авуник ква. Гаф кватай чкадал республикадин Къили журналистриз, блогерриз инсанрал анжах гъкъикъи, ахтармишнавай хабарар агакъаруниз эвер гана. Тапан малуматар, адан фикирдалди, гъат-

та регион патал секинсуз йикъарани гъасятда виридаз чикизва.

Мярекатдал Дагъустандин муфтий Агъмад-Афанди Абдулаевни рахана. «Бязи инсанри абур «исламдин террористар» я лугъузва. Гъич са диндини ихътин крариз рехъ це лугъузвач...», - къейдна ада.

Гуърушдал хейлин анин иштиракчийри чпин фикирар лагъана.





## КЕСПИЙРИН ЯРМАРКА

АЛАТАЙ ғафтада, Мағармдхуьре авай Россиядин халкъарин адетдин культурадин центрдин фойеда «Россияда ківалах. Мумкинвилерин вахт» лишандик кваз кеспийрин ярмаркадин кьвед лағай этап кыле фена.

MP- дихъ галаз санал ЦЗН- ди тешкилна кыле тухвай и ярмаркада ківалах гузвайбуру, ківалахдихъ кьекъезвайбуру, общественный идарайрин, чкадин самоуправлениедин органрин векилри ва жегилри иштиракна.

«Россияда ківалах. Мумкинвилерин вахт» сайтдилай ківалах

жағурдай геьенш мумкинвилер авайдан ғақындай MP- да авай ЦЗН- дин директор Мавзидин Ғажиева ярғалди суьгьбетарна.

-«Кеспийрин ярмарка, им ківалах жағурдай ва бейкарбурун кьайгьу члугвадай метлеблурекьерикай сад я»- кьейдна «Мағарамдхуьруьн район MP- дин кылин заместитель Тимур Техмезова.

Мярекатдин сергьятра аваз, РД- дин «Аграрный колледж» ГБПОУ- дин векилди колледжда чирвилер кьачунин рекье авай мумкинвилерикай ва келунар акьалтIарайдалай гуьгьуьниз абур кардик кутунин карда авай

мумкинвилерикай геьеншдиз лағана.

MP- дин Общественный палатадин председатель Ағдаш Нағметуллаева ихьтин важиблу мярекат тешкиллунилелди кыле тухвайбуруз чухсагьул лағана ва винидихъ тIвар кьунвай колледждин филиал чи районда ачухнайIа, чкадал «В, С» категориядин шоферар, слесарар, трактористар, дерзичияр, сварщикар ва ашпазар ғазурдай хъсан мумкинвилер жедай лағана.

Сезондин вахтунда школада келзавай аялривайни, хъсан пешекарривайни ийиз жезвай ківалахрин ғақындай «Сад» КФХ- дин векил Рахман Алиевни рахана.

## Хатасузвал хуьн таъминарда

ДАГЪУСТАНДИВАЙ региондиз кьезвай туристар патал хатасузвал таъминариз жеда. Терроризмдикай хуьн патал туристивилин сезондин вилик кьабулнавай серенжеми ківалахзава. Ихьтин фикир РД-дин Кьил Сергей Меликова журналистриз малумарна.

«За фикирзавайвал, чун хатасузвал таъминариз жедай гьалда ава. Ғақьикьатда Дагъустандиз мугьман хъанвай ксаривай

архайинвилелди ял ягьун давамариз жедайвал», - лағана республикадин Кьили.

Ға са вахтунда региондин Кьили кьетIендаказ кьейдна хьи, терактар кыле финихъ галаз алакьалу яз кьабулнавай серенжемар мадни мягькемар хьийида.

## Такьатар чара ийида

ГЪУКУМАТДИ пулсуз дармар, медицинадин тадаракар

## ЧИ РЕСПУБЛИКАДА

ва чпиз яшайишдин рекьйяй тайин кьезилвилер талукь ағаллийриз сагьламвал мягькемардай тIуьнар патал мадни 1,8 миллиард манатдилай виниз пулдин талкьатар чара ийида. Махсус кьарардал Михаил Мишустина кьул члугунва.

Чешмеди кьейдзавайвал, 2024- йисуз и законар патал федеральный бюджетда саки 58 миллиард манат фикирда кьунва.

## КУЛЬТУРАДИН ИРС ХУЪЗВАЙБУР

«ШАЛБУЗ дагъдин авазар ва ритмаяр» лишандик кваз кьиле фейи адетдин культурадин ва фольклордин суварин иштиракчияр Магъарамдхуьруьн районда шад гуьгьуьлдиди ва руьгъдин ачухвилелди къабулна.

Суварин сергьятда аваз, «Бубайрин ирс» тIвар алаз культурадин ирсинин межрегиональный фестиваль тешкиллувилелди кьиле фена. Республика патал кьенин секин тушир вахтунда хъсанвал, инсанвал ва инсан кIанивал рикIелай ракурна виже къведач. Культурадин везифа кьенин юкъуз- ислягвал хуьн ва кьунши халкъарихъ галаз авай дуствилин алакьяр мягъкемарун я.

Фестивалдиз кьунши республикайрай, шегъеррай мугъманар, яратмишунрин коллективар атанвай. Атанвай мугъманар чи республикадин милли тIуьнралди, хуьруьн майишатдин продукциядалди гурлуодакз кьаршиламишна.

Фестивалдин нурлу иштиракчийрикай сад Кефер патан Кавказдин Осетиядай тир «Артурон» тIвар алай фольклордин кьуьлерин театр хъана. Театрдин репетуарда вилик ва алай девирдин кьуьлер ва постановкаяр ава. И карди осетиядин халкъдиз дегъ заманийрилай авай девлетлу, адетдин хореографиядин культура хуьдай, вилик тухудай ва ам региондилай кьеце пата машгур ийидай мумкинвал гузва.

Дагъустандин халкъдин адетдин культура кьалурунин карда Магъарамдхуьруьн райондин манидарри ва яратмишунрин коллективри иштиракна. Иллаки симинин пагъливанар кьугъунар лап рикIел аламуькдаибур хъана.




СТІАЛ СУЛЕЙМАНАН - 155 ЙИС

## Пак руьгъ ва экуь зигъин авай кас

ЛЕЗГИЙРИН камаллу шаир, зурба арифдар СтІал Сулейман диндин шартІар тамамвилелди кьиле тухвай, ян тагана адал амал авур дугъри ва михъи кас тир. Советрин гукуматдин цІийи таблигъатди руьгъ тупІал авунатІани, ам ягъдин рекъай азад яз амукъна. Сулеймана вичи ахъагъай капІар вири къаза хъийиз хъана. Мадни адан къанажагълувал адакай ибарат я хъи, советрин гукуматди гъихътин еке къулайвилер яратмишзавайІани, ада вичин къардин бармак кьилел хвена, лежбердин аба къуьнерай акъуднач, шаламарни кІвачел алаз хъана. Ам коммунистрин партиядин жергейриз гъахънач.

ЧІехи шаирдин уьмуьрдиз талукъ са бязи чешмейрай малум жезва: «Садра Сулейман муьфте яз метягъ ахъайзавай Совнаркомдин девлетлу туьквендиз ахъайзава, адаз лугъузва, хкъя вуч рикІиз хуш ятІа!» Сулейман вад юкІ агъни пуд къазан запун къачуна экъечІна. Гуьзчийрик хкІуна, абур хъуьрез эгечІна... Сулейман я лавгъа, я сарсах хъаначир. Ада вич кесиб синифдин арада лайихлу, къве чин алачир, «ягъдин азадвал» къачуз тежедай итим яз къалурна ва



вичин уьмуьрни лайихлувилелди кьиле тухвана. Сулейманан яратмишунра диндин шииратди къетІен ва «рагъ алай чка» къазва. Адаз Советрин гукуматдин а кьиле вуч аватІа чизвай... Гъакъикъатдини и кар инкарначир. Адан рикІ алай дустар Нажмудин Самурский, Гъажибег Гъажибегов «советрин властдин душман я» лагъана, репрессийрин тІугъвалдик акатна, гунагъсуз къурбандар хъана. Вични, уьлкведа кьиле физвай чалкечир сиясатдин зулумриз рум гуз тахъана, рагъметдиз фена. Ислам диндин дережа, адан виниз тир тангъах лезги шаиррин яратмишунра мягъкемдиз ва жуьребажуьре вахтарин муьгъуьр алаз гъатнава. ИкІ, 18-асирдин сад лагъай паюна яшамиш хъайи Лезги Салигъа «Вун я», «Куьз

ятІа», 18- асирда яшамиш хъайи Ахцегъ Мегъарам-эфендиди, ЯрагъМегъамеда «Ахцегъ Мирзе -Алидиз», Мирзе-Алиди вичи, «Пайгъамбардин тариф», «Вун я, Вун!», 19-асирдин шаир Абдулхаликъов Закира «Серсер», Ахцегъ Абдурагъмана «Я Расул!», Алкъвадар Гъасана «Керематар», араб чІалай лезги чІалаз таржума авунвай «Фатигъа» шиирар майдандиз акъудна. Диндин поэзиядин терефда Етим Эминан, Хпезж Къурбанан чІаларини къетІен ва лайихлукъа къазва. Къейд авун лазим я хъи, мусурманрин Къилин ктаб – «Къуръан», вич шииралди кхъенвай сурайрин ва аятрин тесниф я.

СтІал Сулейманан диндин поэзиядин теснифар фикирда къурла, абур акъван таъсирлу, рикІи гъиссдайбур я хъи, абурал тикрардин гел алач, Сулейманан чІалар Аллагъдин патай зурба фагъум-фикирдин ядигардин гел ва нур алай, чІехи устадвилини ва къаматрин тазавал галаз яратмиш жезва. Анжах вичихъ пак руьгъ ва экуь зигъин авай касдилай икІ имаратлудаказ алакьда.

А. АБДУЛГЪАЛИМОВ.

### ЧИ АРХИВДАЙ

## СтІал Сулейманан Музейдиз цІай ягъайла

*Эй, къацІай кас, гъикІ фена гъил,  
Ви кІвачерик зурзанач чил?!  
Къе гъар садан чандава звал,  
Арифдардин аквазвай кІвал*

*И хабарди къарсурнай зун,  
ЦІай атай хъиз, зурзурнай зун,  
ЦІа кудаь кас туш а шаир,  
ЦІун ялав хъиз куькІвей уьмуьр.*

*Напак кас ви чанди ялав  
Куьз къуначтІа, гъа лезьеда?!*

*Халкъдин рикІер авур чІулав,  
Уьмуьр хъурай ви желеда...*

*-Эй арифдар, « далдам-зуьрне»,  
Гуя къени хъанвач куьгъне?!  
Ариф къекъвей и пак чилел,  
Гъинай пайда хъана черпел?..*

*Кьилел къвай хъиз, хар-кІалар,  
Ясдава къе пуд СтІалар...  
Чи сенгеррал ви хци гаф  
Хъанай яракъ, тийир инсаф..*

*ФейитІани ирид цавай,  
Гъелбетда, ам куз жеч вавай.  
Асирра хуьн хиве авай,  
Гъар лезгидин рикІе авай.*

*Вич Парнасдин къакъандавай,  
Шииратдин майдандавай,  
Горькийдин тІвар хкажай хва,  
Тек пак рикІер я ви арха...*



# ДИН ва ИНСАН

## Мугъаммад пайгъамбардикай са шумуд делил

МУГЪАММАД пайгъамбар /САС/ хуниҳъ галаз алакъалу яз инсанриз гзаф аламатар къалурайди я. Агъадихъ абуркай са шумудан твар къан.

Чи пайгъамбар, Иса пайгъамбардин тарихдалди 570- йисан Раби-уль-аввал вацран 12- йикъан экуънахъ фад хана. Хтул хайдан гъакъиндай хабар чехи буба Абдулмуталибал ада Каабедал тлаваф ийизвайла агакъна. Ада гъасятда Аминатан /аялдин диде/ квал галай патахъ чукурна. Квалин рак къеняй агалнавай. Рак гатазвайди вуж я лагъана хабар къурдалай гуьгъуьниз Амината квализ къведай ихтияр авач лагъана.

«Квализ са Кас атанва ва ада пуд юкъуз аялдин патав инсанар ахъай тавун эмирна», - алава хъувуна ада. Абдулмуталиба тур акъудна

рак куквариз клан хъайила адан вилик а Кас пайда хъхъана ва лагъана: «Абдулмуталиб, сабурулу хъухъ, ви хтулдин патав малаикар гва».

Абдулмуталибак зурзун акатна, пуд юкъуз мад адай члал акъат хъуванач. Пуд югъ алатайла Абдулмуталиба сифте нубатда аялдал твар эцигна- Мугъаммад ва ам гъар жуьредин балайрикай хуьн патал Каабедиз тухвана.

Икъван члалди Мугъаммад лугъудай твар садални алачир. Вуна аялдал эцигайди санани авачир им вуч твар я лагъана суалдиз Абдулмуталиба жаваб гана: «И тварцин тариф Чилел алай вири инсанри ийида» /Мугъаммад араб члалай чи члалаз элкъуьрайла тарифлуди, тариф авуниз лайихлуди лагъай гаф жезва/.

И аял хадалди Аравияда са шумуд йисуз къурагъвили агъа-

валзавай. Аял хайивални марфар къваз башламишна, багъларни никлер къацу хъана ва и йисуз садрани тахъай хътин беъерар хъана. Иниз тамашна и йисуз фахт лугъузва, яни ачухун.

Аял хайидалай гуьгъуьниз чилер зурзана ва а залзалади персрин пачагъ Кисранан дворецдин 14 галерей чукурна. Им а кардин гъакъиндай виликамаз ганвай лишан тир хъи, и аял хайидалай къулухъ башламишна арабри Персия къачудалди Персиядин 14 пачагъ масабурун гъилералди /яни ажалсуз/ къин лазим тир. Гъа ик хуьнни авуна. Са себебни авачиз Мавлиддилай гуьгъуьниз 10 пачагъ къена. Палестинада авай Табарият лугъудай вир къурана. Виш йисуз давамна кузвай Персиядин атаперсрин /цаюз икрамзавайбур/ цай туьхвена.

И аял хайи йиф югъ жедалди мягътелвал ийидай саягъда вири дуьньяда экуь яз хъана.

**«ИСЛАМ» журналдай таржума авуна гузва.**

## ТАРИХДИН ЧИНАР



1943- йисан 5- июлдиз Ватандин Чехи дяведин тарихда Курский къекъуьндал немсерин фашистрихъ галаз зурба ягъунар башламиш хъана.

И юкъуз душмандин 30 далай виниз дивизийри, гъа жергедай яз 16 танкари дивизиядини къве патахъай Курский къекъуьндал алай Советрин армиядин сенгерал гъужумна.

Тахминан цуд юкъузни йифиз къиле феи ягъунра Советрин армияди душмандин танкар тамандаказ кукварна ва гуьгъуьнлай Белгород ва Орел шеъерар душмандикай азадна.

Гъа идалди Курский къекъуьндал душмандихъ галаз къиле феи ягъунрин сад лагъай пай акъалтна.

## ФИЛЛОКСЕРА – ОПАСНЫЙ КАРАНТИННЫЙ ВРЕДИТЕЛЬ ВИНОГРАДА!

РЕСПУБЛИКА Дагестан является одним из ведущих регионов промышленного виноградарства Российской Федерации. Чтобы вырастить хороший урожай надо тщательно за ним следить и защищать от вредных организмов. Как правило, одним из самых распространенных и опасных из них является филлоксера. Получить такого вредителя можно с посадочным материалом, а вот избавиться от нее весьма сложно.

Филлоксера – виноградная тля, едва заметная невооруженным глазом. Она характеризуется явно выраженным полиморфизмом то есть наличием у одного и того же вида насекомых различных форм особой, отличающихся по внешнему виду, строению и образу жизни. Принцип поражения растений просто питается соком, высасываемым из листьев или корней винограда. Пораженные участки куста перестают работать. Гибель виноградников от вредной деятельности филлоксеры, и как следствие раскорчевка виноградников наблюдается в республике ежегодно. Так в 2019 году было списано и раскорчевано около 216 га виноградников, за первый квартал

2020г – 145га. Площадь карантинной фитосанитарной зоны в Дагестане составляет более 975 га.

Виноградная филлоксера впервые была обнаружена в 1966 году на приусадебных участках Махачкалы и Хасавюрта. Причиной появления вредителя стал завоз посадочного материала из



Краснодарского края и Крыма. На данный период Дагестан является зоной частичного и широкого распространения виноградной филлоксеры.

Учитывая, что основным источником распространения опасных карантинных организмов является посадочный материал, особое внимание следует обратить на саженцы. Закладывать корнесобственные виноградники следует филлоксероустойчивыми сортами на свободных от вредителя участ-

ках, обеззараженным посадочным материалом с разрешением специалистов Россельхознадзора. Перед посадкой необходимо установить карантинное фитосанитарное состояние саженцев, особенно если они импортного происхождения.

Основным и наиболее успешно применяемым в мире способом борьбы с вредителем является выращивание винограда на устойчивых подвоях.

Виноградные насаждения подлежат ежегодным контрольным, систематическим обследованиям, а так же периодическим детальным исследованиям.

Все противофиллоксерные мероприятия осуществляются силами и средствами самих хозяйств, сельскохозяйственных предприятий независимо от ведомственного подчинения, а так же граждан, возделывающих виноградную культуру.

Проводить их следует с учетом существующего законодательства, нарушение которого влечет за собой административную ответственность.

Во всех случаях обнаружения филлоксеры землепользователи обязаны сообщать в Россельхознадзор.

**И. КЕЛЬБИХАНОВА,**

Госинспектор Управления Россельхознадзора по РД

## ИЧКИНИ ПИАПРУС ДУСТАР ХЪАЙИЛА

КЪЕЦЕПАТАН уьлквейрин бязи газетра къейдзавайвал, Россияда гъич 50 йисни тахъанмаз рекъизвай къван итимрин къадар вири дуньяда вичиз тешпигъ авачир хътинди я. Себеб? Пиапрус члугун, ички гзаф хъун, акъалтлай усал тлуьн, эхиримжи йисара хъайи къван къар-

сатмишдай дегишвилерни зегъле ракъурдай хътин стресс, къайгъусузвал, гъевессузвал.

Икл, хъвазвай спирт квай шей-эрал гъалтайла (гъар са нефесдин къилиз), Россияди дуньяда сад лагъай чка къазва. Здравоохранениедин вири дуньядин организацияди эцигнавай хаталу дережа-

дилаини саки къве сеферда гзаф я.

РФ-да итимар тахминан 59 йисуз, дишегълиярни 73 йисуз яшамииш жезвалда. Икъван еке тафават (14 йис) мад гъич са уьлкведани малум туш. Европадин, Азиядин ва Америкадин уьлквейрив гекъигайла (Афгъанистанни, Комбоджа квачиз).

**В ПРОКУРАТУРЕ РАЙОНА**

**ПРОКУРАТУРОЙ района проведена проверка исполнения законодательства при установлении и нахождении лиц под административным надзором.**

ПРОВЕРКА показала, что ранее судимый местный житель, находящийся под административным надзором, совершил неоднократное несоблюдение установленных судом ограничений, сопряженных с совершением данным лицом

административных правонарушений, посягающих на общественный порядок и общественную безопасность.

По факту выявленных нарушений закона, предусмотренных ч.2 ст.314.1 УК РФ, прокурором района вынесено по-

становление в порядке п.2 ч.2 ст.37 УПК РФ, которое вместе с материалами проверки направлены в ОМВД России по Магарамкентскому району.

По результатам рассмотрения, 19.06.2024 возбуждено уголовное дело по признакам преступления, предусмотренного ч.2 ст.314.1 УК РФ.

Ход расследования уголовного дела прокуратурой района взят на контроль.

**ОМВД России по Магарамкентскому району информирует о проведении оперативно-профилактического мероприятия «Нелегальный мигрант» 2 этап**

НА ТЕРРИТОРИИ Магарамкентского района с 27 июня по 06 июля 2024 года проводится оперативно-профилактическое мероприятие «Нелегальный мигрант 2-этап». Целью проведения данного мероприятия является пресечение каналов незаконной миграции, незаконной легализации иностранных граждан на территории Российской Федерации, а также иных противоправных деяний, связанных с организацией незаконной миграции, незаконного привлечения и использования иностранных работников организациями (работодателями), перекрытия каналов незаконной миграции и торговли людьми, выявлению незаконно пребывающих иностранных граждан, обеспечения правопорядка и миграционной стабильности.

Проведены мероприятия направленные на выявление правонарушений в сфере миграции в сфере сельского хозяйства, строительства, торговли и транспорта, а так же мест компактного проживания иностранных граждан.

Доводим до Вашего сведения, что подобные мероприятия проводятся на постоянной основе и нацелены на пресечение незаконной миграции иностранных граждан на территории РФ, незаконной трудовой деятельности иностранных граждан, а так же нарушения миграционного законодательства. В связи с вышеизложенным и во-избежание недопущения нарушения гражданами РФ привлекающими к трудовой деятельности

иностранных работников, а так же иностранных граждан проживающих на территории обслуживания с нарушением сроков пребывания и по недействительным документам, а так же с неурегулированным правовым статусом просим своевременно обратиться в ОВМ ОМВД России по Магарамкентскому району, для обеспечения законного нахождения иностранных граждан на территории обслуживания, а также осуществления иностранных граждан законной трудовой деятельности.

**Начальник ОВМ ОМВД России по Магарамкентскому району майор полиции**  
**Ахмадов А.Т.**

<p><b>Къилин редактор</b> <b>Р. АБДУРАГЪИМОВ.</b></p>	<p><b>Учредитель:</b> Администрация муниципального района «Магарамкентский район».</p> <p><b>Адрес:</b> 368780. РД, Магарамдхуьруьн район, Магарамдхуьр, Гагаринан куьче, 2.</p>	
<p><b>Редакциядин адрес:</b> 368780. РД, Магарамдхуьруьн район, Магарамдхуьр, Ленинан куьче, 4.</p>	<p>Газета «Самурдин сес» (Голос Самура) зарегистрирована Региональным управлением Комитета РФ по печати в РД.</p>	<p>Газетдин регистрациядин нумра- Д 0174</p> <p>Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче, 4. Лезги чӀал.</p>
<p>Газет гъафтеда садра акъатзава.</p>	<p><b>ЧӀап ийиз вахкудай вахт - 16.00.</b> <b>ЧӀапун патал къул чӀугуна- 15.00.</b></p>	
<p><b>Телефонар:</b> редактор- 25-1-37, жавабдар секретарь - 25-1-39, бухгалтер-25-9-69.</p>		<p><b>Индекс 63340. Тираж 1400</b> <b>Заказ № 29.</b></p>

